



— 11. 8. — 6 —

~~Medicin. 3882.~~  
~~Medicin. 1394.~~

3 - 0

56.  
Math. med. ~~1394~~

162.



RVDOLFVS WILHELMVS  
CRAVSIUS,

Phil. & Med. D. Pra&t. & Chim. Profes-  
sor Publ. Facult. Med. Senior, & h. t.  
DECANVS.

*Lectori Benevolo Salutem!*

---

JENÆ,  
LITERIS KREBSIANIS.





**N**ter τὰ ἐνγόμενα, quæ machinam corporis nostri hydravlico. pneumaticam constituunt, μόρα, SANGVIS & SERVM meritò principatum obtinent.

Quidpe sunt laudati humores isti machinæ con-nati; Sunt ipsius partes integrantes & necessariæ; Sunt spirituum sedes propria, & vehiculum, cumque iis arctissimo vinculo connexi, vivido motu cordis orbem perpetuò peragrant, & singula loca vegeto nectare irro-rant. Cedunt insuper aliis, tūm so idis, tūm impetum facientibus corporis partibus, cum id peculiare præ illis obtinuerint, in materiam alimoniam & conservatio-nem, suntque materia illa prima, ex qua δημιουργὸς & agens principale in conceptione stamina cordis & totius corporis texit & conficit. Imò ea est utrius-que laudati humoris ad vitam, nutritionem & sa-nitatem fartam tectam servandam dignitas, ea neces-tas & utilitas, ut simul, atque alteruter vitium cœperit, mox communis partium salus in discrimen vo-cetur, & in omnes machinæ artificiosissimæ partes malum ac detrimentum redundet, ita ut cum tem-pe-ramento sanitas ac vita, sæpè nec opinanti pessum eant. Siquidem quales humores, tales sunt spiritus, talia vi-

): ( 2

scera

scera, talis sanitas, talis vita; Ad summam, ex iis confitimus, vivimus, valemus & ægrotamus.

Videmus proinde naturam in hisce, ad vitam summè necessariis thesauris conservandis quām maximè, & ita quidem esse sollicitam, ut, ne nimis maturè deficerent, & à flammâ vitali absumerentur & dissiparentur, ex assumtis intra corpus quotidiè alimentis, mediante calore ac spiritu vitali eos perpetuare, defectum præcavere, restaurare, & ut sufficientem quantitatem semper in promptu haberet, usque ad finem vitae procurare annitatur.

Diximus sufficientem; si enim ullibi, certè in naturæ regno primariò obtinet monumentum illud Delphicum: μηδὲν ἄγαν, NE QUID NIMIS.

Natura nempe δικαιοσύνη πᾶν τὸ πολὺ, καὶ πολέμου ubique abhorret, nec nimium ipsi placet, etiam quod bonum putatur, mediocritatem verò & bonam symmetriam ac harmoniam ubique amat, & intendit,

Ubi igitur laudati humores, serum & sanguis vel in quantitate, vel qualitate vitium cæperint, nullo habito-respectu ad ipsorum aliàs summam utilitatem & necessitatem, illos τῶν ἀκρεπονθόν cohorti promtè adjudicat, imò quandoque adeò contra humores rebelles insurgit istos expellendo, ut medici ad reconciliationem vocati pacis leges dicere, & statuere cogantur.

Imprimis autem seri abundantiam adeò abhorret natura, ut ad præcavendam hanc, indeque oriundum diluvium, non solum extantiora quædam seri excretoria, os nempe, nares & vesicam formârit; sed etiam universi corporis cutim innumeis poris, tan-

tanquam tot seri excretoriis perforarit, ex quibus superabundans seri quantitas eō promptius perpetuū fecerni, tūm sensibiliter, tūm insensibiliter evacuari, atque sic mala inde oriunda præcaveri possint.

Neque tamen ullā ferè prærogativā fruitur *sanguis*, quamquam enim succus ille  $\pi\phi\mu\sigma$  secundum naturæ legem in corpore humano generetur, & sanitatem atque vitam omnibus animantibus conferat, proindeque tanquam pretiosissimus vitæ thefaurus, & in quō animam inesse sacræ dicunt litteræ, potius omni studio intra suos alveos detinendus, quām emittendus videatur; indidemque dubium adhuc vertatur inter aliquot medicos, an massa sanguinea corporis nostri, stante flammæ vitalis, ipsam perpetuo absumentis, ac per  $\alpha\delta\eta\lambda\omega\tau\Delta\sigma\pi\pi\sigma\pi\pi\sigma$ ,  $\kappa\alpha\tau\Delta\alpha\Phi\sigma\sigma\sigma$  dissipantis activitate, in venarum ac arteriarum alveolis ita cumulari possit, ut sui ipsius & cordis motui ac integritati resistere, naturæque molesta fieri possit, adeoque ratione  $\tau\pi\lambda\nu\alpha\mu\pi\alpha\zeta$  sui imminutionem, evacuationem, sive missionem quandam indicare aut postulare queat :

Attamen uti nimia felicitas animos civium tranquillos turgidos reddit, & elatos, mox, levi occasione ferociam ipsorum concitando, tandem civiles furores parere solet, & seditiones, non sine clavum reipubl. tenentium periculo; Sic etiam ubi ex lautiori victu & otio humores alimentales copiosè congesti, præ pace quasi nimia turgent, mox per levem ab extra venientem causam facile irritari possunt, ut humorales seditiones in variis nostri corporis regionibus moveantur, à turgescientibus copiis viscera invadantur, ac suffocationis &

): ( 3

con-

conflagrationis pericula, aliaque mille mala, exitiumque totius machinæ oriantur.

Rebus ergò sic stantibus natura justam symmetrian & æquatam proportionem ubiq; respiciens, ut haec seditiones in tempore sedet, haut raro sanguinem fecocientem vi expellit.

Et expellendus quidem erat domesticus hic, & rebellis hostis necessariò, non enim tunc considerandus simpliciter, ut sanguis & vitale nectar; sed ut sanguis in corpore abundans, perque sui abundantiam à natura quasi alienatus, ipsi & toti machinæ molestus & interitum minitans. Non enim illum, sed hunc natura abhorret, & tūm ut seditiones humorales sedet, tūm ut corpus ab iis præservet, varias sanguinis evacuationes instituit.

Adeoque uti ab ipsâ in febribus, aliisque gravissimis affectibus largâ & criticâ evacuatione per nares, os, aures, mammas, hæmorrhoides, uterus, & urinam copia ejus molesta sequestrari solet; Parili ratione ordinariè in sanis mulieribus singulis mensibus exuperantis sanguinis copiam necessariam ad præcavendos innumeros in hoc sexu morbos per uterus expelli, videmus de quo pluribus agit in DISPUTATIONE IN AVGVRALI clarissimus atque dignissimus Medicinæ candidatus

## FRANCISCVS JOHANNES ERICH.

Natus is est Rhadæ, in præfecturâ Episcopatus Mindensis, anno, post natum Christum M DCLXV, die XV. Novembr. Patre THOMA JOACHIMO Erich / ejusdem præfeturæ Capitaneo meritissimo, *vñ c̄v d̄ziois*. Matre ELISABETHA GERDRVTA NAGELIA, hodie STEPHANO

PHANO SCHVLTZEN Locumtenenti Brandenburgico dignissimo nupta.

Parentes hi literis imbuendum tradiderunt præceptoribus privatis, ut ab ineunte ætate bonis moribus ac literis adsvefieret. Hinc patre piè mortuo Osnabrugum missus, ibi sub cura avunculi sui, JOHANNIS ERICII NAGELII, Secretarii Brunsvicensis & Lunæburgensis meritissimi Gymnasium celebre frequentare jussus, privatâ & publicâ informatione M. THEODORI KORNFELDI, Gymnasii ejusdem correctoris dignissimi maximo cum emolumento usus est. Hinc fidelissimam quoque manuductionem M. TOBIÆ KVGELMANNI, <sup>τ& vūv cū aγiois,</sup> ut & M. CHRISTIANI GRVBELII, hodie scholæ senatoriæ Mindensis rectoris optimè meriti, gratissimâ agnoscit mente.

Abhinc Anno M DC LXXXV. Jenam venit, atque in numerum studiosorum receptus, in Philosophico & Medico studio debitam impendit operam, omnesque ~~iac~~ singulos Facultatis Medicæ professores excellentissimos doctores sibi elegit, eosque auscultavit insigni-  
cum emolumento.

Sectatus D. AVGVSTINVM HEINRICVM FASCHIVM, Prorectorem hodie Magnificum, seu haberet publicas lectiones botanicas, & chirurgicas, seu prosecaret cadavera humana & brutorum, & fructus, quos ex trium cadaverum sectionibus hausit, magni æstimat.

Anatomici quoque studii gratia iter Lipsiam fecit, ibique excellentissimi anatomici D. JOHANNIS BOHNII curiosæ prosectioni & dexterimæ demonstrationi sedulò interfuit, nec levem fructum inde hausit.


Plurimum quoq; se profecisse deprædicat ex fidelissimâ.

lissimâ informatione D. GEORGII WOLFGANGI WEDELI, utpote cui tanquam hospiti indefesso sibi dic se præbuit asseclam. Non solum enim ipsius ordinariis publicis, sed etiam privatis, & ut vocant, privatissimis lectionibus physiologicis, pharmaceuticis, pathologicis, therapevticis indefesso studio interfuit, & ex omnibus uberrimè profecit. Hinc edidit quoque specimina suorum proiectuum & exercitatissimi ingenii laudabilia partim saepius opponendo, partim disputatione z. PHYSIOLOGIÆ REFORMATÆ publicè masculè defensâ.

Cumque & ipse in testimonium citer, testari fas est, eundem meis de morbis ventriculi lectionibus, & chimicis demonstrationibus sedulo interfuisse, & præterea, pietate, studio & modestia insigniter conspicuum se omnibus gratum & acceptum reddidisse.

Cum ergo tantos fecisset proiectus, nuper à Collegio nostro, præviâ modestâ petitione, in numerum Candidateum cooptatus est. In examinibus plenissime satisfecit, & ad votum abundè respondit. Quare cum A.D. XXIV. Novembr, sub præsidio D. WEDELII laudatam disputationem habiturus sit, Magnificum Dn. Pro. Rectorem, Proceres & Professores excellentissimos, omniumque ordinum hospites & Medici studii Fautores, nomine Collegii per officiosè & per amanter invito,

Jenæ P. P. sub sigillo Facultatis Anno  
MDCLXXXVIII.



L. S.









Datum der Entleihung bitte hier einstempeln!

SLUB DRESDEN



3 0586975

Jan 130

